

元代史書 三卷

元
代
史料
叢刊
初編

黃山書社

續弘簡錄元史類編卷三十七

皇清詹事府少詹事仁和鄉遠平戒山學

旌德一忠節

石珪

李伯溫

附守正

耶律誠木

子天佑

攸典哥

任志

梁直脂魯華

抄兒

杭忽思

阿散真

庫祿滿

鄭義 扎忽帶

張萬家奴

月里麻思

附唐虞

楊傑只哥

趙阿哥潘

趙恒刺

伯八兒

罕彥單

合刺普華

基公直

劉天孚

蕭景茂

周鏞

附蕭魯

蕭炳

附明安達爾

俞述祖

丑闊

附馮三

陶文興

野峻台

李羅帖木兒

卜理牙敦

附上都

星吉

湖海

附黃紱

李補

魏中立

泰不華

樊執敬

桂完澤

王簡

子相

陳君用

彭庭堅

劉潞

子建

汪澤民

劉暉孫

褚不華

王士元

卞琛

石珪泰安新泰人世以耕讀爲業體貌魁偉倜儻不羈金主遷
汴兵戈四起珪率少壯負險自保與滕陽陳敬宗結義山東宋
將鄭元龍以兵來攻珪敗之于毫陽乘勝入盱眙會宋買涉誘
殺德水軍統轄季先人情不安衆迎珪爲帥稱太尉太祖遣使
與宋議和珪命麾下劉順直抵諄斯干城入覲太祖慰勞順且
敕珪曰如宋和議不成吾與爾永結一家之好吾宿遲汝順還
告珪心感服日夜思降未幾宋果渝盟珪棄其妻孔氏子金山
仗劍渡淮宋將追之曰太尉翹當完汝妻子珪不顧宋沉其妻
子于淮珪遂率順來歸木華黎承制授珪濟兗單三州總管後
金粟東平珪與嚴實分城內南北守之收輯濟兗沂勝單諸州
如山東諸路都元帥移治曹州與金將鄭從宜連戰數晝夜糧
絕援兵不至軍無叛意珪臨陣馬仆被擒囚至汴金主壯其人

誘以名爵欲使捐珪憤然曰吾身事大朝官至光祿復能受他國封邪假我一朝當縛爾以獻金主怒蒸殺于市其麾下立社號州祀焉子天祚襲封與宋將彭義斌金將武仙戰屢捷後破考城圍歸德從攻蘄黃皆功居首改征行于戶

李伯溫大寧義州人守賢之孫毅之子也長兄惟則官平陽征行萬戶次伯溫太祖九年錦州張致叛木華黎命擊之大臈城北死焉伯溫行平陽元帥府事鎮青龍堡專任東征聞平陽已陷弟守忠被執還曉勇拒守久之金兵盡銳來攻守卒多夜遁李成閻水門導敵入伯溫登堞樓謂左右曰吾兄弟仗節擁麾受方面之寄今不幸失利當以死報國吾弟已被執我不可再辱汝等宜自逃生仰拔劍殺家屬投井中自引刀植柱刺心而死金兵登樓見其抱柱如生無不嗟嘆子守正効嘗質於木華

金主僞其忠授武末爲都統太祖九年金主徙汴武末以其子
天祐率衆三萬來歸授帥府監軍從元帥史天倪略趙州平棘
樂城元氏栢鄉贊皇臨城等縣又從太師木華黎收邢洛磁相
懷孟諸州有功授洛州元帥引兵臨澤潞降其民六千餘戶進
河北西路安撫使致仕居真定天祐襲職金降將武仙據真定
叛殺天倪武末父子夜踰城出會天倪弟天澤還自北京過諸
蒲城合諸軍南與賊戰遂復真定朝命以天祐鎮趙州仙復犯
真定武末與其妻石抹氏及家祭之在真定者皆陷仙遣其僕
持苦諄天祐曰汝能誅趙州官吏以降當活汝父母不爾盡烹
之武末密令其僕語天祐曰仙賊狡猾汝所知也毋以我故墮
其機竅以勝忠節且忠孝難兩全汝能固守不失國家大計我
甘刀鋸如怡矣天祐慟哭以賊書示天澤并述父言天澤曰王

良之事照耀史冊汝能遵父命忠誠許國功不在王陵下天祐
乃起還趙壁率衆殊死戰仙怒盡殺其家一十八人及戰仙兵
驍性監軍張林密構仙黨啓關納賊天祐倉皇巷戰身被十餘
創斬關出會天澤兵夾擊殺林加趙州安撫使以傷憊解官卒
則曰子之能仕父教之忠死雖陳慨氣自從容機奔寧路
刀鋸如棺一十八人盡節無舛

攸與哥渤海人世農家好武斷鄉井金末避地大寧會蒙古兵
至出保高州富庶寨射獵以爲食木華黎率兵攻寨寨破奔高
州及兵圍城下令曰能斬攸與哥首以獻者受上賞民皆獲生
守者召謂曰汝哥男子吾寧忍遽斷汝首汝其往降乎不則一
賊生靈無噍類矣與哥乃折矢出降諸將怒欲殺之木華黎曰
壯士也留之爲吾用俾隸麾下從攻通州一夕造巨礮雲梯各

數十附州城州將懼乞降以功太祖賜名哈刺拔都魯從略燕
南爲先鋒至大名金將登城督戰與哥射之中左目其部將開
門南奔追殺殆盡授河東北路兵馬都元帥鎮太原時太原新
破至則下令軍中凡俘獲人口有親者聽贖無貲者官爲贖民
得完聚者衆既引兵援臨州金將乘虛搆太原西門俘獲其妻
子與哥聞之徑趨西門奪之還時太原諸邑皆平唯石家昂及
孟州陵井寨忻州清泉寨爲唇齒未下與哥兵將至陵井遣卒
叩寨門詐曰納糧勞守者弗惜門啓竟入衆驚潰二寨遂平會
姦人夜獻太原東門於武備仙引兵入諸將自城外呼曰與哥
當早出封日真定史天倪平陽李守忠臨州田雄皆失守矣我
又棄太原將何面目見主上乎家屬任公等俘吾誓與城同存
亡遂歿于陣

貞公傳

卷之三

日 莊 卷一

任志潞州人本華黎略地潞州志首迎降俾充元帥收輯山寨
每與金兵戰輒勝金擒其長子如山以招之曰降則爾子得生
不則死志曰我爲大朝之帥豈愛一子親射其子殪之本華黎
嘗召諸將議事志亦預名道經武安其縣已反志死之其子存
襲元帥職金將武仙攻潞州存亦戰死詔有司廩給其妻孥仍
賜第居之世爲潞州長官

梁直脂魯華蒙古克烈氏初以所部從太祖征乃蠻西夏有功
下金桓州掠監馬萬匹軍勢大振已被遼東西諸州唯東京未
下獲金使遣往諭之魯華曰東京金舊都備嚴而守固攻之未
易克以計破之可也請易服與其使偕往說之彼將不疑俟門
啓繼以大軍則事濟矣卒如其計後徇地河北攻大名中流矢
卒子撒吉思卜華嗣將父軍金徙都汴立河平軍于新衛以自

國特爲北門攻之不投太宗自白坡濟河而南皇子拖雷由隋石灘涉漠而北上華渡自河陰至鄭金主勢蹙出奔師遂入豫之金主自黃陵岡渡河謀復汴與金將白撒戰于白公廟五日夜俘斬萬計金主竄歸德卜華躡其後薄北門而軍左右皆水金將夜砍營入腹背受敵一軍皆陷太宗命大臣料民分封功臣卜華妻楊氏自陳曰吾舅及夫皆死國事而賞不及何以爲効忠者勸乃賜新衛民二百戶

抄兒阿速氏世居汴梁陽武縣從太祖收附諸國有功繼從伐金殺于陣子抄海從征河南山東亦殺于陣子別帖將父軍從皇子忽哥赤西征大理復殺于陣子阿必察至元五年授蒙古千戶從圍襄陽既渡江奪陽羅堡以功進蒙古軍總管管領左右翼兩萬戶軍旣下廣德從平章阿里海牙征海外諸國鼓戰賣弘南家

卷三十七

五 雜錄一

船進奪岸口亦卒于軍四世皆以身殉國云

杭忽思阿速氏主阿速國太宗兵至其境率衆降遂命守本國
尋命還阿速軍千人及其長子阿捨赤扈駕留宿衛遣杭忽思
還國道遇敵兵戰死敕其妻外麻思領兵守國外麻思躬擐甲
冒平叛亂以次子按法普嗣國阿捨赤從憲宗征西川軍釣魚
山屢敗宋兵阿里不哥叛從征至寧夏與叛軍遇率先赴敵矢
中其腹不懼又從征李璫二十餘戰累功授千戶同捨赤台領
兵南征下五河沿江諸郡戍鎮巢軍宋降將洪福以計殺之
世祖憫其死特賜鎮巢降民千五百三十九戶命其子襲職
新編云書端本夏貴宗僅積勞知鎮巢軍貴既降元遣人招之
福不聽貴誘殺之又云元兵南下鎮江降福時陷城中導以
舊吏可捨赤方有傳事跡皆同條重出按
阿散真阿速氏初憲宗以兵圍阿兒剌蘭之城其父名阿爾思

阿散眞阿速氏初憲宗以兵圍阿兒剌蘭之城其父名阿爾思

蘭者偕阿散真迎謁軍門帝賜手詔命專領阿速人且留其軍之半餘悉遣還俾鎮本境以阿散真備宿衛道遇闕見哥拔軍力戰死之帝遣使褒其屍還葬阿爾思蘭請曰臣長子死不能爲國宣力有次子坦古來願陛下用之北至帝見其驍悍命從征烏蠻屢建功後從伐宋中流矢亦死于軍

庫祿滿遼人本建律氏後訛爲石抹氏祖石抹也先一作石抹阿辛當

太祖時爲北京達魯花赤戰死蠡州父查剌兼真定達魯花赤

事詳別傳庫祿滿早歲襲父職與從弟度剌皆英勇善鬪領舊所

號黑軍者盡勇猛士每戰必居前鋒奔突敵壘爲諸軍倡憲宗

時從攻襄樊創立雲梯大呼先登度剌爲守陴者所殺庫祿滿

憤不顧身奮長戈衝其堞城遂破中統二年李璫反從攻濟南

主帥素壯其勇令先登飛矢中額如蠟遂死城下按元本第一

百五十卷有

石抹也先傳并載其子查剌而一百五十二卷又
昨石抹阿辛傳音字相訛以致重出今刪去前段

鄭義河間人少以材勇稱性豪俠好結客初事太宗為山東路
都元帥兼景州軍民長官從伐金戰于歸德死焉弟德溫襲從
攻徐州日刃陷陣而死弟江代續志作子世祖北征授
武衛親軍都指揮使至元八年從攻襄陽亦歿于陣

札忽帶蒙古人祖字罕太宗時為鎮西行省領軍徇河中潼關
秦鞏諸城侵左翼萬戶從都元帥塔海糾十出征歿于陣父忽
都襲憲宗南征從畧巴州渡馬湖江破宋兵于老君山下至元
初授蒙古漢軍總管從都元帥百家奴攻宋淮西卒軍中札忽
帶嗣為千戶從取重慶宋守將張珪遣勁旅數千出挑戰札忽
帶力擊破之大軍圍瀘州數月未下軍中糧盡札忽帶倡勇登
城與瀘兵搏戰死

張萬家奴父札古帶爲河東南北路船橋隨路兵馬都總管萬戶從西征下與元國嘉定歿于軍萬家奴入朝世祖授以父官從攻瀘州大敗宋軍殺傷過半繼攻重慶破剏陽寨圍嘉定柵平康泰和懷遠諸寨分兵戍守時諸將攻瀘州失利乃詣闕請自任以攻取之效遂率舟師百五十艘自桃竹灘至折魚灘分守江南約日進攻先據神臂門爲梯衝登城斬關入遂拔之既討平西南莫進副都元帥將四川兵征烏蠻時雲南諸蠻皆叛殺掠人民州郡莫能制遂以兵勦其衆至元二十年詔從征緬戰死雲南王命其子保童將父軍再征緬入太公城有功襲副都元帥後出師至甘州山丹城亦戰死

則曰黃英諸公累世殉國不愧將門忠孝兩得彼有懦夫臨鋒辟易胡不觀斯翁有生色

賣公賣案

卷三十七

七

莊德一

月里麻思乃馬氏初太宗命與斷事官忽都那同署後同阿木魯充達魯花赤被南宿州太宗十三年使宋議和從行者七十餘人月里麻思曰吾與汝等奉命南下楚人多詐倘遇變當死毋辱君命及馳抵淮上宋將以兵脅之曰爾命在我生死頃刻間若能降官爵可立致不則必不汝貸月里麻思曰吾持節南來以通國好反誘我以不義有死而已言辭慷慨守者知其不可奪乃囚之長沙飛虎寨三十六年而死世祖深悼之官其子忽都哈思日給糧食其家至元十八年忽都哈思以招討使將兵征日本死于海 同時有唐慶者太宗命爲國信使往金令以帝與親臣金主不聽慶以語侵之夜半金飛虎卒申虎等入宿舍殺慶及其弟山祿與祿并從行者十七人

明日即命出使貴在不辱慮於未然臨事可獲將不能要

威不能屈方之子卿歷年猶述

楊傑只哥燕京寶坻人世業農小有勇略太祖略地燕趙率衆
屬來降從攻遼左及定西夏諸部有功太宗元年還攻信安城
四面阻水其帥張進久不降傑只哥曰彼恃巨浸我師進不得
利退不得歸不若往說之進見其來怒曰吾已斬二使汝不懼
死邪傑只哥從容言曰今齊魯燕趙地方敗千里郡邑聞風納
款獨君恃此一城內無軍儲外無援其亡可立待爲君計不如
請降可以保富貴而免死亡進然曰姑待之凡三往乃降師
次徐州阻河不得濟傑只哥偵知有賊操舟伏草澤中夜率勁
卒憑河擊之奪其舟衆畢渡獲河南諸郡降人三萬餘戶進攻
川城金將安國用拒戰傑只哥率騎突入陣中截擊大敗之復
從阿朮魯攻歸德麾諸將縛草作筏渡濠抵城下梯城先登拔